



Broj:02-02-1296/24

Datum: 13.05.2024.godine

Na osnovu člana člana 15. stav (1) alineja (2) Zakona o principima lokalne samouprave u Federaciji BiH („Službene novine Federacije BiH“ broj: 49/06 i 51/09) a u vezi sa članom 39. Zakona o socijalnoj zaštiti, zaštiti civilnih žrtava rata i zaštiti porodice sa djecom - Prečišćeni tekst - („Službene novine Tuzlanskog kantona“ broj: 5/12, 7/14, 11/15, 13/16 i 4/18) i člana 9. Statutarne Odluke o organizaciji Grada Lukavac u skladu sa Zakonom o Gradu Lukavac („Službeni glasnik Grada Lukavac“, br: 1/22), Pravilnika o kriterijima i postupku za ostvarivanje prava na jednokratnu pomoć za troškove liječenja u slučaju malignih oboljenja lica sa područja grada Lukavac („Službeni glasnik Grada Lukavac“, broj: 07/23 i 05/24), na prijedlog Službe za društvene djelatnosti i upravu - Gradonačelnik objavljuje:

**JAVNI POZIV**  
**za dodjelu novčanih sredstava za sufinansiranje troškova liječenja u slučaju malignih oboljenja lica sa područja grada Lukavac**

**1. PREDMET JAVNOG POZIVA**

Predmet Javnog poziva je dodjela novčanih sredstava za sufinansiranje troškova liječenja u slučaju malignih oboljenja lica sa područja grada Lukavac

**2. FINANSIJSKA SREDSTVA**

Sredstva za dodjelu jednokratne pomoći predviđena su Budžetom Grada Lukavac za 2024. godinu sa Okvirnim planom Budžeta za 2025. i 2026. godinu („Službeni glasnik Grada Lukavac“, broj: 01/24) , članom 22. Odluke o izvršenju Budžeta Grada Lukavac za 2024. godinu („Službeni glasnik Grada Lukavac“, broj: 01/24), te na osnovu Programa utroška sredstava Transfera Službe za društvene djelatnosti i upravu Grada Lukavac za 2024. godinu („Službeni glasnik Grada Lukavac“, broj: 02/24), kod potrošačke jedinice 05, ekonomski kod 614 239 „**Ostali transferi pojedincima**“ - **16 „Transferi pojedincima za potrebe liječenja malignih oboljenja“** u ukupnom iznosu od 80.000 KM i raspoređivat će se u skladu sa Pravilnikom o kriterijima i postupku za ostvarivanje prava na jednokratnu pomoć za troškove liječenja u slučaju malignih oboljenja lica sa područja grada Lukavac („Službeni glasnik Grada Lukavac“, broj: 07/23 i 05/24) (u daljem tekstu: Pravilnik).

Pravo na jednokratnu novčanu pomoć za sufinansiranje troškova liječenja u slučaju malignih oboljenja lica može ostvariti podnosilac zahtjeva koji ispunjava kriterije iz članova 4. i 5. Pravilnika, na način da će Grad, sufinansirati troškove u maksimalnom iznosu do 500,00 KM.



### **3. UVJETI ZA OSTVARIVANJE PRAVA NA NOVČANU POMOĆ**

Uvjeti za ostvarivanje prava za sufinansiranje troškova liječenja u slučaju malignih oboljenja su:

- a) da podnositelj zahtjeva ima prebivalište na području grada Lukavac najmanje godinu neprekidno – prije podnošenja zahtjeva ( PBA- 4 obrazac);
- b) kućna lista ovjerena kod nadležnog organa;
- c) medicinska dokumentacija izdata od nadležne zdravstvene ustanove ili stručnog tima iz oblasti zdravstva koja ne može biti starija od 6 (šest) mjeseci, odnosno posljednji onkološki nalaz iz kojeg je vidljivo da je postupak liječenja u toku;
- d) podnositelj zahtjeva ima pravo na jednokratnu novčanu pomoć za plaćanje troškova liječenja najkasnije u roku od 5(pet) godina nakon uspostavljanja dijagnoze, izuzev u slučaju kada je prema medicinskoj dokumentaciji nastupilo trajno oštećenje zdravstvenog stanja, ili je došlo do recidiva bolesti, a što će ocijeniti stručno lice iz oblasti medicinskih nauka, odnosno stručno lice Komisije u svakom pojedinačnom slučaju;
- e) da podnositelj zahtjeva nije koristio sredstva iz Budžeta Grada Lukavac po istom osnovu u tekućoj kalendarskoj godini,
- f) da podnositelj zahtjeva posjeduje aktivan transakcijski račun otvoren u banci ( Uvjerenje/Potvrda o posjedovanju računa ne starije od 3 (tri) mjeseca.)

### **4. POTREBNA DOKUMENTACIJA**

Podnosioci zahtjeva za ostvarivanje prava na sufinansiranje troškova liječenja u slučaju malignih oboljenja lica sa područja grada Lukavac po ovom Javnom pozivu dužni su dostaviti sljedeću dokumentaciju (original ili ovjerena fotokopija):

- a) zahtjev;
- b) izvod iz matične knjige rođenih; - original ili ovjerena fotokopija;
- c) prijavu mjesta prebivališta / boravišta (obrazac PBA-4);- original ili ovjerena fotokopija;
- d) ovjerenu fotokopiju lične karte;
- e) kućnu listu ovjerena kod nadležnog organa; – original
- f) medicinsku dokumentaciju izdatu od zdravstvene ustanove ili stručnog tima iz oblasti zdravstva koja ne može biti starija od 6 (šest) mjeseci, odnosno posljednji onkološki nalaz iz kojeg je vidljivo da je postupak liječenja u toku (original ili ovjerena kopija)
- g) ovjerenu Izjavu kod nadležnog organa da podnositelj zahtjeva nije koristio sredstva iz Budžeta Grada Lukavac po istom osnovu u tekućoj kalendarskoj godini.
- h) aktivan transakcijski račun podnosioca zahtjeva – Potvrda/Uvjerenje iz banke – original ili ovjerena kopija (ne starije od 3 (tri) mjeseca)

### **5. PODNOŠENJE PRIJAVA/ZAHTJEVA NA JAVNI POZIV, ROKOVI I NAČIN DODJELE NOVČANIH SREDSTAVA**

Javni poziv će biti objavljen na web stranici Grada Lukavac i putem sredstava javnog informisanja.

**Javni poziv ostaje otvoren 15 (petnaesst) dana od dana objavljivanja na web stranici Grada Lukavac**

Pitanja u vezi sa javnim pozivom mogu se postaviti putem e-mail adrese: minela.cosic@lukavac.ba sa naznakom – „za objavljeni Javni poziv za dodjelu novčanih sredstava za sufinansiranje troškova liječenja u slučaju malignih oboljenja lica sa područja grada Lukavac“, na broj telefona 035/366-738 ili lično u kancelariji broj 34.

Zahtjev se podnosi putem Službe za društvene djelatnosti i upravu -Odsjeka za opću upravu, poslove prijemne kancelarije i pisarnice, radnim danom od 07:00 do 15:30 ili poštom preporučeno na adresu:

**Grad Lukavac,  
Trg slobode broj 1.  
75 300 Lukavac**

**sa naznakom: Služba za društvene djelatnosti i upravu „Javni poziv za dodjelu novčanih sredstava za sufinansiranje troškova liječenja u slučaju malignih oboljenja lica sa područja grada.**

Podnesene zahtjeve će razmatrati Komisija koju imenuje Gradonačelnik na prijedlog Službe. Komisija će voditi računa o ispunjenosti uslova propisanih Pravilnikom. Komisija sačinjava listu korisnika jednokratne novčane pomoći i iste zajedno sa odlukama o isplati dostavlja Gradonačelniku na saglasnost.

Obrađivači zahtjeva pri obradi ličnih podataka dužni su pridržavati se odredaba Zakona o zaštiti ličnih podataka, odnosno u postupku realizacije Javnog poziva, u skladu sa odredbama člana 10. Pravilnika štitić će se privatnost i dostojanstvo osoba koje se liječe od malignih bolesti te se neće javno iznositi imena i drugi lični podaci ovih osoba.

**Zahtjevi koji su nepotpuni ili ne ispunjavaju uslove propisane Pravilnikom neće se razmatrati.**

**Prijave koje budu pristigle nakon zatvaranja Javnog poziva neće se uzeti u razmatranje.**

Obrađivač:  
M.Ć.

GRADONAČELNIK

dr.sc. Edin Delić

Dostavljeno:

1. Gradonačelnik
2. Služba za društvene djelatnosti i upravu
3. Oglasna ploča 2x
4. Za objavu na web stranici
5. Arhiva